

## Vo Aarbärg bis Zuckerstadt

Aarseniore aar-vital bim Äärli am aar-fitte  
Aarberg Achthundert Aalass avec Adam und Aarbiente

Über d'Bargebrügg zum Bärekreisu fürs Brot vom Burkhard börre  
Am Burgwäg Burger brätle när id Badi-Beiz ga biere

Chly chille am Chlouser vorem Commerce bimne Cüpli  
Im Charre chääre ir Chräjensle, Chätschi chätsche ir Chäsi

Vorem Döner-Dinner i Denner füre Discount-Deal düse  
Vom Damm zum Dröschschopf dechle u dert Dose deponiere

Ds ewa egt energetisch ah, isch enig mit dr esag  
Ehrelosi Euteretaxi ergere bis zum Eklat

D'Fürwehr mitem FCA bim Fauke-FüBi am fiire  
Für nes Fondue im Ferrari übere Frienisberg frese

Gigampfi-Gofe mit Gummiäntli bim Gummesees am gröle  
Im Garacho via Gnägistutz übere Gierisberg ga gümele

Vor Houzbrügg ufne Hasesprung i Hirsche ga holeie  
Müller Hans am hirne über Hagneck u Hugenotte

D'Ischbahn isch igange, dr Ischvogu isch izoge  
Ivo isch Iwohner gsy, d'Impfpraxis isch igfahre

Im Jäger ga jasse und im Jugendruum ga joohle  
Dr Jason jobbt im Jumbo, parkt sy Jeep ir Jennimatte

Krone-Kafi, när i Kino i kuule Kocher-Klamotte  
Mit KB-Kohle Kohler-Klang für Kunos Kompositione

Im Löie ga löie, lueg häre im Loly,  
Littering ir Leimere, bim Lidl u bir Landi

Vom Mülitau via Musigschueu zu Matters Martinazzi  
Mercato, nid MacDonalds, Müller muff wägä Marazzi

Näie ufem Notfau, füre Nachlass zum Notar  
När Nidlechueche näh im Näbu näbem nöie Nachbar

Äs Obergschoss fürs OSZ, än Opel füre OCA  
Äs Objektiv füre OVA, dr Oli faht mit OL a

Primeler ir Pouse bim Pumptrack am pose,  
Paar Pajasse vom Puce gö is Pub ä chly ga pöble

Quickline quadriert ir Quarantäne quasi sini Quote  
Queere queere d'Quartier u quatsche mit Querulante

Im Ring rase d'Rüebe düre Rägä rundum  
Bir Rosstränki go raschte när im Retro Tee Rum

Dr Stedtlileist am Stedlilouf bim Stedtlibrunne ufem Stadtplatz  
Vom Schlangerein, Schüracher, Speiss i Steffen fürne Schwatz

Dr TCA ir Turmbar, dr TVA am turne  
Trouba tüftlet Tegscht und Takt, bim Tiergarte Töfflibuebe

D'Ungerstufe am Uferwäg nach de Ufzgi am ustobe  
Ir Ungerführig umelungere, när d'UBS usroube

Vom Verkehrsgarte zum Volero is Volleybau velöle  
D'ViaBerna via VitaParcours zum Viehmarkt verfouge

Mit em Wetabus am Wärchtig ufe Wärchof ga wärche  
Dr Weibu weiblet wine Wiude wäge sine Wäge

XY zämäbrittle isch zäh und zieht z'viu Zyt  
Xo u Yogaarberg sy zwöi, itz zappe mir zum Z

Is Züghuus zämä züggle, d Zora züge nachem Znacht  
Am Zibelemärit Zoff bim Zmittag, Zug um Zug id Zuckerstadt